

SARS e rerišana le intasteri go thibela hlokego efe goba efe ya makhura

Tshwane, 14 Oktobere 2024 - Ditirelo tša Motšhelo tša Afrika Borwa (SARS) di lemogile dipolelo tša phatlalatšo ya ditaba di bolela ka tlhalelo e fegilwego ya makhura a jete, ao a tsebjago bjalo ka kerosene, ka lebaka la gore SARS e a diega go fana ka dilaesense go dikhamphani tša makhura. Ke maemo ao a fošagetšego. Tlišogae le tshepetšo ya bobedi bja kerosene ya bofofane le kerosene ya ponego di laowa ke Molao wa Khasetomo le Motšhelophahlogae. Ke obamelo ya dipeelo tša Molao tšeo di hlatselago thatafalo go intaseteri ya makhura.

SARS e rate go hlatholla gore nyako ya bobedi keresone ya bofofane le ya ponego ka go Rephaboliki, e fihlet we ke phepo go tšwa go batšweletši (“bohlwekišetšo) bao ba nago le laesense ya makhura le tlišogae

Go tloga ka 2022, tše dingwe tša bohlwekišetšo bja mabopong a mawatleba emišitše tšweletšo ka mabaka a mmalwa go akaretša tshenyo ya enftrastraktšha gomme e ithekgile ka tlišogae go fihlelela dinyakwa. Ka Aprele 2024, tše dingwe tša bohlwekišetšo di dirile kgopelo gomme di filwe dilaesense tša ntlopolokelo (SOS) ya sebakanyana e kgethegilego go boloka le go abela kerosene ya bofane ya tlišogae ka ORTIA le boemafofane bjo bongwe. Se se dirilwe go thibela kotsi ya tlhalelo ya kerosene ya bofofane yeo e bakilwego ke taolo ya hlokomelo ya bohlwekišetšo bjo bongwe,

Dilaesense tše di filwego e be e le tša nako e itšeng, gape ka fase ga maemo a itšeng ka nako yeo. Dilaesense tše di be di filwe ka lebaka la gore ditheo di tla latela tshepetšo ya semmušo ya go laesena le go ba le dinolofatši ka obamelo ya molao wa Khasetomo le Motšhelophahlogae. Ntlopolokelo e kgethegilego ya khasetomo le motšhelophahlogae e kgonthiša taolo ya dithoto le go kgontšha SARS go boloka ditseno tša mmušo.

SARS e lekile go fana ka hlathollo le tiišetšo go ditheo tša maleba tšeo di fetogago go tšwa go mmotlolo wa go thewa ka botšweletši go ya go mmotlolo wa tlišogae. Ka fao, SARS e be e thušana le go tlhahla ditheo go tšwelapele go gweba go ya ka molao mola ba latela ditshepetšo tšeo di hlokegago tša pušo.

Sa bohlokwa, SARS e tlo šomišana le intasteri go bolela ka tharollo ya go phethagatša magato ao a tla šomanago le ditlhohlo tša gabjale mola re kgonthiša gore dipeelo tša molao di a latelwa. Ke ka kgatlhego ya SARS gore ekonomi ya naga le boeti e se thibelwe ka tsela efe goba efe. Go tloga go le bohlokwa kudu gore baswarakabelo ba swanetše go tšea magato a potlako go fihlelela boitlamo bja bona.

Go hwetša tshedimošo enngwe, ka kgopelo ikgokaganye le SARS go SARSMedia@sars.gov.za